



# IROMAG

*Izdanje za odlazne studente*



U OVOME BROJU

**PREDAVANJE IZ PRVE  
POMOĆI**

**TAKMIČENJE DESIGN  
MEGDAN 2.0.**

**DODJELA ZLATNIH  
PLAKETA**

**STUDENTI U KORAK SA  
TRENDOVIMA  
MARKETINGA**

**POSJETA STUDENATA  
KAZNENO-  
POPRAVNOM ZAVODU  
MLADI I NOVAC: KLJUČNE  
VJEŠTINE ZA USPJEH**

## **PREDAVANJE IZ PRVE POMOĆI** by IROUNMO

Odsjek sport i zdravlje u saradnji JU Dom zdravlja je održao predavanje iz pružanja pomoći za studente Nastavničkog fakulteta. Obzirom na veliki značaj ove teme i učestalost situacija koje zahtijevaju hitnu reakciju, tokom predavanja su prikazane i demonstracijske vježbe pružanja prve pomoći. Nakon što su stručne osobe prikazale postupak, studenti su zatim imali priliku praktično izvesti masažu srca koristeći lutku za reanimaciju, čime su se upoznali s osnovnim tehnikama spašavanja života. Predavači su istakli važnost edukacije svih građana o pružanju prve pomoći, naglašavajući kako osnovno poznavanje ovih vještina može spasiti živote u nekim hitnim situacijama. Studenti su izrazili zadovoljstvo jer su kroz praktične vježbe imali priliku upoznati se sa osnovama tehnike pružanja prve pomoći, uključujući kardiopulmunalnu reanimaciju.

# TAKMIČENJE DESIGN MEGDAN 2.0.

By IROUNMO



U INTERA Tehnološkom Parku održano je takmičenje Design Megdan 2.0. Na ovom takmičenju studenti tehničkih fakulteta su imali priliku pokazati svoje znanje, kreativnost i timski rad. Takmičenje je okupilo mlade talente koji su se nadmetali u inovativnim dizajnima, a pored takmičenja, održana je i radionica na temu 3D printera za članove Udruge Vedri Osmijeh. Radionica je bila edukativna i interaktivna, a nakon radionice su svi učesnici dobili isprintane predmete po vlastitoj želji za uspomenu. Jedna od pobjedničkih ekipa bile su i studentice sa Mašinskog fakulteta Univerziteta „Džemal Bijedić“ u Mostaru. Dio pobjedničke ekipe su bile studentice Azra, Amina i Isra, a sa studenticom Isrom Drek smo obavili intervju, koji ćemo detaljno predstaviti u nastavku:

## 1. Kako si saznala za takmičenje Design Megdan 2.0 I šta te motivisalo da se prijaviš?

Za takmičenje Design Megdan 2.0 smo saznale preko fakulteta, tj. preko Facebook stranice. Da se prijavimo na takmičenje, najviše nas je motivisalo prošlogodišnje takmičenje i iskustvo kolega koje su podijelili s nama. Željele smo da pokažemo naše vještine i sposobnosti. Naši tim se sastojao od tri djevojke, te smo željele pokazati da i mi možemo konstruisati vozilo za takmičenje.

## 2. Kako je izgledala saradnja s tvojim timom tokom takmičenja?

Kao što sam već navela, s kolegicama, a već sada i prijateljicama, sam se izvrsno slagala. Svaka je dopunjavala drugu i nikad nismo zanemarili nečije mišljenje. Radili smo u skladu jer smo znale da ćemo tako se i najbolje pokazati.

---

**3. Koje su bile najvažnije vještine koje ste morali pokazati kako biste uspješno odradili zadatke?**

Najvažnije vještine su bile poznavanje rada opruge, tj. u našem slučaju gumica koje su nam davale energiju za pokretanje vozila, ali i izrada same konstrukcije vozila koja je bila u najmanju ruku jednostavnog izgleda, ali dosta složena u pogledu prenošenja brzine s osovine na točkove i postizanje brzine i ubrzanja cijelog vozila.

**4. Koji je bio najzanimljiviji trenutak ili iskustvo koje ćeš pamti sa ovog natjecanja?**

Najzanimljiviji trenutak u toku priprema jeste bilo isprobavanje raznih gumica dok nismo pronašli najbolje za rad s njima. U toku takmičenja možemo reći da je najzanimljivije bilo prvo puštanje vozila kada nam se vozilo počelo kretati unazad, pa opet unaprijed. Također, sama izrada vozila bila je dosta zanimljiva kao i pomoć profesora Emira Nezirića koji nam je objasnio dosta stvari.

**5. Koje bi preporuke dala studentima koji planiraju sudjelovati u sličnim inicijativama?**

Za kraj htjela bih svima reći da se ne boje izazova jer smo i mi bile nesigurne, ali nakon dosta pokušaja uspjele smo dosta stvari naučiti i zabaviti se i na kraju se trud isplatio s visokim osvojenim trećim mjestom.

# DODJELA ZLATNIH PLAKETA

By IROUNMO



U amfiteatru Mašinskog fakulteta Univerziteta „Džemal Bijedić“ u Mostaru upriličena je svečana dodjela Zlatnih plaketa Unije studenata za najbolje studente u akademskoj 2023/2024. godini. Ceremoniji su prisustovali ministar prof. Dr. Adnan Velagić, prorektorica Univerziteta prof. Dr. Amela Piralić, dekani fakulteta, voditelji univerzitetskih studija te brojni studenti i gosti. Pored dodjele Zlatnih plaketa najboljim studentima, posebna priznanja uručena su i za doprinos radu Unije studenata. Prof. Dr. Ekremu Čolakhodžiću dodijeljena je Povelja sa zlatnim grbom Unije studenata za doprinos i podršku u poboljšanju studentskog standarda. Nagrađeni studenti su:

- Vildana Kubat – studentica pravnog fakulteta (9,69)
- Suana Mešić – studentica Fakulteta informacijskih tehnologija (10,00)
- Jasmina Begović – studentica Studija farmacije (9,60)
- Aiša Čevra – studentica Nastavničkog fakulteta (10,00)
- Lejla Baralija – studentica Fakulteta humanističkih nauka (10,00)
- Ivana Mavrak – studentica Studija turizma (10,00)
- Emina Husejić – studentica Ekonomskog fakulteta (9,50)
- Ena Šahinović – studentica Mašinskog fakulteta (9,75)
- Maria Magdalena Mandić – studentica Studija dizajn interijera (10,00)
- Nejra Lalić – studentica Studija zdravstvene njege (9,83)
- Amar Stranjak – student Agromediterranskog fakulteta (9,17)
- Berina Šabanović – studentica Poslovne informatike (9,80)
- Senida Šubara – studentica Građevinskog fakulteta (9,00)

Ova svečanost još jednom potvrđuje važnost ulaganja u obrazovanje i mladost, kao temelj društvenog napretka.

# STUDENTI U KORAK SA TRENDOVIMA MARKETINGA

By IROUNMO



Studenti treće godine predvođeni prof. Dr. Veldinom Ovčinom i asistenticom Sarom Kljajić MA, posjetili su marketing agenciju „ eMedia Patch“. Cilj posjete bio je omogućiti studentima da povežu teorijska znanja s praktičnim iskustvima i bolje razumiju izazove i prilike u svijetu digitalnog marketinga. Uposlenici agencije su organizovali interaktivne radionice kroz koje su studentima približili teme poput strategija digitalnog marketinga, analize trendova, mjerenja uspješnosti kampanja i značaja „soft skills“ vještina za profesionalni razvoj.

# POSJETA STUDENATA KAZNENO-POPRAVNOM ZAVODU

By IROUNMO




Dana 16.01.2025. godine studenti 4. godine Općeg smjera i studenti 3. godine studijskog programa Kriminologija i sigurnosne studije, u pratnji prof. Dr. Denisa Pajića, u okviru izučavanja nastavnog predmeta Penologija, posjetili su Kazneno-popravni zavod poluotvorenog tipa Mostar.

Studenti su u okviru posjete imali priliku razgovarati sa uposlenicima Zavoda. Uposlenici su studente upoznali sa osnovnim sigurnosnim protokolima i zavodskim tretmanom osuđenika. Također, studenti su saznali više o rehabilitacijskim programima i izazovima koji se javljaju u procesu resocijalizacije.

Ova edukativna posjeta omogućila je studentima bolji uvid u praktičan rad i funkcionisanje Zavoda, kao i njegove uloge u društvu.

# MLADI I NOVAC: KLJUČNE VJEŠTINE ZA USPJEH

By IROUNMO



Studentice ekonomskog fakulteta su, 23. Januara.2025. godine, imale priliku održati edukaciju maturantima Gimnazije Mostar. Tema ove edukacije je bila finansijska pismenost.

Studentice, Ana Krulj, Džejla Kalaba, Nejla Obradović i Medina Palić, razgovarale su sa maturantima o važnim koracima koji ih čekaju u samostalnom životu: otvaranje bankovnog računa, plaćanja računa i budžetiranja i štednja i prepoznavanje finansijskih zamki.

Pored prezentacije, bio je i interaktivni dio edukacije, gdje su učenici kroz scenarije i zadatke pokazali svoju kreativnost i spremnost za upravljanje vlastitim finansijama.

Projekat je osmišljen i realizovan u okviru predmeta Upravljanje projektima, pod mentorstvom prof. Dr. Nikole Papca i v.asist. Lejle Škaljić, MA.

# IROMAG



/iro.unmo



@iro.unmo



/iro.unmo

IROMAG TEAM  
MIRSADA BEHRAM  
LEJLA ŠKALJIĆ  
AMILA VRTIĆ  
HUSEIN MARIĆ

